



Tuhaqtauyukhaq

Angayukhiit Tikkuqtauyut Nunavutim Kavamainnut

IQALUIT, Nunavut (Mii 14, 2009) - Hivuliqti Eva Aariak uplumi uqaqtuq tikkuqtauyumik Mr. Bob Long Tuglianut Ministap Pivalliyuliyitkut Ingilrayuliyitkunnnullu.

Mr. Long havakhimayuq nanminiaqqtuni, nanminiaqqtut pivalliyuliyiyiinni, nunallaallu pivalliyuliyitkunni avatquplugit 40 ukiut. Ayunngitait ilalgit hapkuninnga nanminiaraluaqtuq havakhimaplunilu angiyuni timiuyuni. Nunavunmiutauhimaliqut 1982ngutillugu havakhimaplunilu amigaittunik aallatqinik, aatjikkivyatunik havaakhanik, una ilagiplugu 7nik ukiunik Angiyuqqaangupluni Qikiqtaalungmi Chamber of Commerce – kunni Ikhivautaliugaluqhunilu Nunavunmi Havaanik Takuyaqturvingmi Katimaniryuanganilu. Kingullirni qulini ukiuni, atan’nguyauvaktuq Qikiqtaalungmi Pivalliatjutikhaliqinirmut Kuapuliissitkunni.

Nan’ngariyauyuq Peter Taptuna, Minista Pivalliyuliyitkut Ingilrayuliyitkunnnullu, quyagiyaatikkuqtuiniq uqaqhunilu “una kavamat uqariyaqhimaliqtuq, uvani *Tamapta/CLC: Hivunikhaliurniq atauttikut*, ikayurumapluni nunallaamiittukhanik, piqtuqtaqtunik maniliurutikhanik. Bob Long amigaittunik ukiunik ayuittiaqhimayait piliuriangani nanminiaqqrnirmik nunallaanilu pivalliyuliyinirmik ikayurniaqtait kavamatkut havaqatigiyaangani nanminiaqqtut tamaitalu Nunavunmiut tikittaangani takuyumayatik.”

Hivuliqtip quyagiya Rosemary Keenainak, Tugliata Ministagillaktaa Pivalliyuliyitkut Ingilrayuliyitkunnnullu, havakpangniagut talvuuna havaami kingullirni malruungni ukiungni. Ms. Keenainak akhuuqhuni kavamatkunni havaktiuvaktuq, havakhimapluni kavamainni Nunattiap Nunavutiplu, 20ni ukiuni.

Ms. Keenainak uqaqtuq “liagivaktatka havakkama hivumuurahuaqtuni havaakhani Kavamainni Nunavutim. Aallamik piimalirama inuuhimni, talvalu ilihariaqtulirniarama ukiakhaq.”

Hivuliqtiplu uqaqtaa tikkuqtaunia Yasmina Pepa Tuhaqtakhaliyitkut Titiraqtianut Hivuliqtimut. Ms. Pepa havakhimayuq Munaqhiliyitkunnut Inuuhiringnirmullu Aulapkaiyiupluni Tuhaqtakhaliyiyini. Havakhimayurlu aallani Nunavunmi kavamainni 2003mit tuhaqtakhaliqinirmut ayuittiaqhimapluni, ukuanilu Qulliq Alruyaqtuqtunik Ikumatjuiinni ukunanilu Kavamaliyitkunni.

Hivuliqti Aariak uqaqtuq “Aliahuktunga Yasmina ilauniarmat ayunngittunut havaktinut Ministat havakviinni. Tamapta, qiniqhiahimmaarniaqtugut ihuaqhittiarangani uqaqatigiingniq tamarmik Nunavunmiut. Kingullia, Karen Kabloona, ayunngittuq pipkarmata kavamavut tuhaqtigattarniagut inungnik quyagiyaralu ikayurmat havaamini kingullirni malruungni ukiungni.” Ms. Kabloona havaliquq Kavamainni Nunavut Aulapkaiyiupluni Nunaqaaqahimayuliyinikkut Ukiuqtaqtuliyinikullu.

Ms. Pepa havalirniaqtuq Mii 21, 2009mi Mr. Longlu havalirluni Juun 22, 2009mi .

-30-

Tuhaqtakhaliqinirmut hivayarlugu:

Lena Kilabuk

Tuhaqtakhaliyitkut, Kavamaliyitkunni

(867) 975-6048